

SCRIPT OF EVENING GOJRI NEWS BULLETIN 13FEB 2025

1700HRS

اوننگ گوجری نیوز بولٹین 13 فروری 2025

یوہ آکاشوانی جموں طفر کوبلی تے نصرت تیں خبر سَنو۔

HEADLINES

- ۱۔ لیفٹیننٹ گورنر منوج سنہا نے کہیو جموں کشمیر غا نوجوان ہر شعبہ مانہہ ترقی کر رہیا ہیں۔
- ۲۔ ا۔ج۔لوک سبھا مانہہ اینکم ٹیکس بل ۵۲۰۲ متعارف ہوو۔
- ۳۔ جموں کشمیر غا نائب وزیر اعلیٰ سریندر چودھری نے جموں ضلع مانہہ مزید ترقی یافتہ بنان خاطر افسراں مانہہ کہیو جے وے ضلع غی ترقی واسطے سانجہ طور ور مزید کم کریں۔
- ۴۔ ۱۱ ویں، ۱۱ ویں، ۲۱ ویں، جماعتاں گ ابورڈ امتہان منعقد کران گا سلسلہ مانہہ تعلیم غی وزیر سکینہ اتو نے تمام ضلع ترقیاتی کمشنراں مانہہ کہیو جے وے امتہان مانہہ بہتر طریقہ سنگ کران کاطر تمام تیاری مکمل کرلیں۔
- ۵۔ چیف سیکرٹری اٹل دلو نے کھیڈ غی اہمیت مانہہ اُجاگر کرتا واں کہیو جے ایک کھیڈاری ملک مانہہ بلندیان تک پُجا سکے۔

LG

جموں کشمیر غا لیفٹیننٹ گورنر منوج سنہا نے جموں کشمیر غا نوجوان غی بکھ بکھ شعباں مانہہ کی جان آلی ترقی تے کامیابی مانہہ دیکھتا واں اپن غی تعریف کی بے جناب سنہا نے کیو جے اُن غی کام یابیاں ور پورا خطہ مانہہ فخر محسوس ہو رہیو بے یاد رہ جے ایل جی موصوف ا۔ج۔راجیہ پُرسکار ریلی جموں کشمیر بھارت سکاٹ اینڈ گائیڈ گا اجتماع سنگ جموں مانہہ خطاب کر رہیا تھا جناب سنہا نے جموں کشمیر غا نوجواناں غا مثبت کماں بارے گل کرتاں واں کہیو جے ان غی کوششاں سنگ بی علاقہ مانہہ ترقی تے بدلاؤ نظر آرہیو بے گزشتہ ۵ سالان بارے گل بات کرتا واں جناب منوج سنہا نے کہیو جے ایل جی انتظامیہ نے گزریاں سالان غے اندر بکھ بکھ سرکاری سکیم تے پروگرام چلایا ہیں جن غے زیرے نوجوان نسل مانہہ فائدو ملیو بے لیفٹیننٹ گورنر نے مزید کیو جے ایل جی انتظامیہ غی طرفوں کیو گیو کم ا۔ج۔عوام مانہہ زمینی سطح ور نظر آرہیو بے جناب سنہا نے سکاٹ تے گانڈ ور زور پاتا واں کہیو جے وے بور مضبوطی سنگ منشیات غا استعمال کرن آلا غے خلاف کم کریں تے بھارت غی ثقافت تے ان غا رسم و رواج مانہہ قائم رکھن واسطے اپنو تعاون پیش کریں۔

INCOME TAX BILL

نوا انکم ٹیکس بل ۵۲۰۲ مانہہ ا۔ج۔لوک سبھا مانہہ پیش کیو گیو اس بل غو مقصد ٹیکس تیں متعلق قوانین مانہہ یکجا کرنو تے ان مانہہ ترمیم کرنو بے وزیر خزانہ محترمہ نرملا سیتا رمن نے بل پیش کرتا واں کہیو کہ نوا قانون موجودہ انکم ٹیکس ایکٹ گا مقابلہ مانہہ کم ابواب تے دفعات ور مشتمل بے تے اس مانہہ عام لوکاں واسطے آسان بنایو گیو بے اُنہاں نے تجویز دتی کہ بل مانہہ مزید جانچ واسطے پارلیمان غی سلیکٹ کمیٹی مانہہ پھجیو جے تے کمیٹی اگلا اجلاس غا پہلا دن اس ور اپنی رپوٹ پیش کرے غی وزیر خزانہ نے حزب اختلاف غا گُجھ ارکان غی جانب تیں اُٹھایا گیا اعتراض مانہہ مسترد کیو۔

Dy CM REVIEW MEET

جموں کشمیر غا نائیب وزیر اعلیٰ سریندر کمار چودھری نے اج ضلع جموں مانہہ ایک اعلیٰ سطحی میٹنگ طلب کرغے ضلع غا افسران نانہہ کہیو جے وے سرکار غی طرفوں چلائی جارہی سکیمان نانہہ زمینی سطح ور لاگو کریں تانجے ان سکیمان توں لوک مُستفید ہوسکیں اُنہاں نے ضلع مانہہ بنیادی ڈھانچہ غی مرمت کرن بارے وی گل کئی۔ناب چودھری نے مزید کیو جے وے جموں شہر مانہہ ترقی کرغے ملک غا ترقی یافتہ شہراں مانہہ شمار کراویں قابل زکر ہے جے یہ گل نائیب وزیر اعلیٰ نے اج جموں ضلع مانہہ ایک جائیزہ میٹنگ لین غے دوران کی۔جناب سریندر نے متعلقہ افسران نانہہ کہیو جے وے مقامی چناؤ نمائندہ نانہہ کسے وی سکیم نانہہ بنان تے اس نانہہ لاگو کرن ویلے رجوع کریں تانجے عوام واسطے بہتر تو بہتر سکیم بن سکے۔نائیب وزیر اعلیٰ نے متعلقہ افسران نانہہ کہیو جے وے جاری پروجیکٹاں نانہہ ویلے سرے مکمل کریں۔

KATRA SGR TRAIN

مرکزی زیر انتظام علاقہ جموں کشمیر مانہہ بھارتی ریلوے نے ایک تاریخی ترقی غو کم پائے تکمیل تک پچایو ہے جس مانہہ ریل گڈی غی سروس سرینگر تے کٹرا غے بشکار شروع کرن غی نمایاں کارکردگی شامل ہے قابل ذکر ہے جے وادی کشمیر نانہہ ملک غا دوجہ حصاں غے سنگ ریل سروس غے زریوے جوڑ غے بھارتی ریلوے نے ایک برو ترقی آلو کم کیو ہے۔یاد رہ جے یو ہ پروجیکٹ مکمل ہون غا آخری مرحلہ مانہہ چل رہیو ہے تے اس سلسلہ مانہہ بڑی افتتاحی تقریب واسطے تیاری وی چل رہی ہے۔ ریل گڈی غی افتتاحی تقریب واسطے ات غا مقامی لوکاں تے بار تو آربیا سیاہ مانہہ بڑو جوش جزبو دیکھیو جارہیو ہے تے وے ریل گڈی غا ات چلن واسطے برو بے سبری نال انتظار کر رہیا ہیں۔اس سلسلہ مانہہ مارا ضلع نامہ نگار سنگ گل کرتا واں کُجھ یاتریاں نے اس طرح کہیو۔

ITOO

سماجی بہبود تے صحت طبی تعلیم غی وزیر سکینہ اتو نے اج سیول سکٹریٹ مانہہ ایک میٹنگ غی سربراہی کی تانجے ۰۱ وین ۱۱ وین تے ۲۱ وین جماعت غا آن آلا تعلیمی بورڈ غا امتہانات غا انتظامات انہہ آخری شکل دتی جاسکے۔اس میٹنگ مانہہ اضافی اعلیٰ سکٹری شانت منو سمیت دیگر اعلیٰ حکومتی عہدیداراں نے وی شرکت کی کُجھ نے ذاتی طور ور جدکہ کُجھ نے ویڈیو کانفرنسنگ غے زریوے اجلاس مانہہ حصو لیو۔ میٹنگ غے دوران افسران تیں خطاب کرتا واں وزیر نے تمام ضلع افسران نانہہ ہدایت دتی کہ امتہانی مرکز غے نادر تے اس غے قول کال طلبہ واسطے آسان تے بہتر ماہول نانہہ یقینی بناویں اُنہاں نے امتہانی مراکز مانہہ ضروری سہولت جسرا مناسب روشنی بیٹھن گا انتظام تے گرمی فراہم کرن غا زریعان انہہ مکمل کرن غی ہدایت کی تانجے طلباء نانہہ کسی قسم کی دشواری گو سامنو نہ کرنو پت وزیر نے مزید ضلع افسران تے اعلیٰ پولیس افسران نانہہ ہدایت کیو کہ امتہانی مرکز غے اندر تے قول کال سخت حفاظتی اقدامات کیا جئیں۔ تانجے امتہانی عمل مانہہ شفافیت تے اہمانداری برقرار رکھی جاسکے۔

CS ANANT KHEL AWARDS

سالانہ کھیڈ مقابلہ انتت کھیل ۵۲۰۲ غی انعامی تقریب اج مرکزی یونیورسٹی جموں غا احاطہ مانہہ منعقد ہوئی چیف سیکرٹری اٹل ڈٹو اس موقع ور مہمان خصوصی تھا جدکہ ضلع

کمشنر سامبہ راجیش شرما نے بطور مہمان اعزاز مانہہ شرکت کیو۔ اپنا خطاب مانہہ اٹل ڈلو نے مرکزی یونیورسٹی جموں گا ایک اعلیٰ تعلیمی ادارہ غا طور ور ابھرن غی تعریف کی تے طلبہ واسطے یونیورسٹی غی زندگی غی اہمیت ناہہ اُجاگر کیو اُنہاں نے کھیڈان گا جزیہ ناہہ ایک عظیم قوم غی تعمیر مانہہ بنیادی عناصر قرار دتو۔ وائس چانسلر پروفیسر سنجیو جین نے اپنا خطاب مانہہ اس عزم گو اظہار کیو کہ مرکزی یونیورسٹی جموں غا طلباں ناہہ جسمانی طور ور صحت مند اخلاقی طور ور بہترین تے ملک غو ایک قیمتی سرمایو بنایو جے غو۔

ANNOUNCEMENT

علاقائی خبراں آلو شعبو آکاشوانی جموں گی طرفوں ضلع کٹھوعہ واسطے عارضی نامہ نگاراں یعنی پی ٹی سی گو پینل بنان غی خاطر درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہہ دلچسپی رکھن آلا ایسا اُمیدوار درخواست دے سکیں گا جہیرا ضلع کٹھوعہ غا بسنیک وین تے اُن غی عمر غی حد ۴۲ براں تیں ۰۵ براں توڑی مقرر کی گئی ہے۔ پی ٹی سی غی اس پوسٹ واسطے تعلیمی قابلیت پی جی ڈپلمو یاہ صحافت غا شعبہ مانہہ ڈگری یاہ فر کسے وی تسلیم شدہ یونیورسٹی تیں گرجیشن غے ہمراہ ۲ براں غو صحافت مانہہ تجربو مقرر کی گئی ہے۔ اس توں علاوہ کمپیوٹر تے وڈ پروسیسنگ نالے خبر اکٹھی کرن آلا آلات تے میڈیا کوریج مانہہ تجربو وی ضروری رکھیو گیو ہے عارضی نامہ نگار غی پوسٹ مانہہ دلچسپی رکھن آلا اُمیدوار واسطے لازمی ہے جے وے ضلع صدر دفتر کٹھوعہ یاہ اس تیں ۰۱ کلو میٹر غا دائیرہ غے اندر رہائش پزیر وے۔ اس سلسلہ مانہہ درخواست غی ہاڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنچترتھی جموں مانہہ بزات خودد آئیندہ ۵۱ فروری توڑی دینی ویگی۔ اس بارے مزید ور دستیاب ہے۔ www.newsonair.gov.in جانکاری ویب سائٹ

DLSA POONCH

ضلع قانونی خدمت ادارہ پونچھ نے مفت قانونی امداد تے قانونی نمائندگی غا حق ور ایک قانونی آگاہی پروگرام اے ڈی ور مرکز پونچھ مانہہ منعقد کیو۔ یوہ پروگرام ڈی ایل ایس اے پونچھ غا چنیر مین تے جلعی سربراہ سیشن جج اشونی کمار شرما غی صدارت مانہہ تے ڈی ایل ایس اے پونچھ غا سکٹری رفاقت حسین میر غی نگرانی مانہہ ہوو۔ اس پروگرام گو مقصد مفت قانونی امداد تے قانونی نمائندگی غا حق تے این اے ایل ایس اے سکیم ۴۲۹۲ غا بارہ مانہہ آگاہ کرن تے اس ور عمل ناہہ بہتر بنانو تھو۔ پروگرام غا آگاز مانہہ ان سکیمیاں غی اہمیت ور روشنی کھلی گئی تانجے ہر شخص ناہہ انصاف تے قانونی مدد حاصل کرن مانہہ آسانی وے ڈی ایل ایس اے گا سکٹری نے این اے ایل اے گو ٹول فری نمبر ۰۰۱۵۱ گا بارا مانہہ آگاہ کیو۔ ایل اے ڈی سی غا نائب سربراہ بھانو پرتاپ نے بطور مہمان خصوصی خطاب کیو۔ اُنہاں نے کہیو قانونی نظام تے ضرورت مند افراد غے درمیان فرق ناہہ کم کرنو بہت ضروری ہے اس موقع ور بولتا واں قانونی خدمات بارے سپیکر نے اس طرح کہیو۔

NASHA MUKT

ضلع سانہہ مانہہ نشا مُکت بھارت ابھیان غے تحت ضلع صدر کواٹر غ اکانفرنس ہال مانہہ استاد رجاکاراں واسطے اس ابھیان غے تحت ایک برو تربیتی پروگرام منعقد کیو گیو۔ یوہ پروگرام سماجی انصاف تے خود مختاری غی وزارت نے جے کے ایس پی وائی ایم، غے

سنگ مل غے منعقد کرایو اس طرح غی پہل رفت کرن غو مقصد ضلع انتظامیہ غی طرفوں نشہ
غے خلاف کی جان آلی کاروائیاں نانہ مضبوط بنانو تھو تے نال ہی سماج نانہ نشیلی چیزاں
تو دور رکھنو ہے قابل ذکر ہے جے یوہ پروگرام ضلع ترقیاتی کمشنر سانبہ غی نگرانی مانہ
منعقد ہوو جس غی دیکھ ریکھ ضلع غا سماجی بہبود محکمہ گا افسر نواز شریف تے
سینٹرل یونیورسٹی جموں گا کج ملازم کر رہیا تھا۔ اس موقعہ ور بولتا واں ضلع سماجی بہبود
محکمہ گا افسر نواز شریف نے کج اس طرح کہیو۔

KISHTWAR SANSAD KHEL

سانسد کھیل سپردا ۵۲۰۲ نانہ ضلع کشتواڑ مانہ سراہنا مل رہی ہے جت مختلف کھیڈاں غی
سرگرمی زور و شور تیں جاری ہے یوہ ایک ماہ توڑی چلن آلو کھیڈاں گو مقابلو ہے جس گو
افتتاح ضلع کشتواڑ غا ترقیاتی کمشنر راجیش کمار شون نے پاڈر مانہ کیو۔ اس تقریب غو
انعقاد ضلع انتظامیہ کشتواڑ نے ضلع نوجوان خدمات تے کھیڈ گا تعاون تیں کیو۔ ان کھیڈاں غی
سرگرمی ۱۱ فروری تیں شروع ہوئی ہے۔ تے ۸ مارچ نانہ اختتام ویں غی ان مقابلوں مانہ
مختلف کھیڈ کھیڈی جیں غی جسران کہ، والی بھال، کابڈی، کرکٹ، چڑی چھکو، کھو کھو،
شطرنج تے کیرم۔ سانسد کھیل سپردا ۵۲۰۲ ایک اہم قدم ہے جس غو مقصد نچلی سطح ور
کھیڈاں گا پُتر نانہ فروغ دینو ہے۔
